

undertook everything with enthusiasm, and was known for his industriousness, commitment and attention to detail. He could be a hard task master but his enduring qualities were his loyalty and fairness. He was a genial companion with a great sense of humour. His legacy will remain forever in his contribution to medical education and the health services in Zimbabwe.

David Williamson

Cobus van Graan



Jacobus (Cobus) Carolus van Graan is op 10 November 1941 op Swartruggens in Noord-Wes-provinsie gebore. Hy voltooи sy skoolloopbaan op Swartruggens, en doen daarna vir twee jaar diensplig in die Suid-Afrikaanse Lugmag. Daarna studeer hy BA liggaamlike opvoedkunde aan die Universiteit van Pretoria (UP), met die doel om onderwyser te word. Hy voltooи die kursus – gee egter nooit

onderwys nie – en werk daarna saam met Fanus Rautenbach by die SAUK vir een jaar.

Cobus tree op 2 Januarie 1965 in die huwelik met Stenie Vermeulen – Cobus se skool-liefde op Swartruggens. Stenie was 'n teatersuster en na hul huwelik begin Cobus belangstel in 'n mediese rigting. Stenie onderneem om te werk terwyl Cobus studeer.

Hy bekwaam hom by UP as genesheer en doen sy hospitaaljaar by Klerksdorp-hospitaal. Daarna tree hy in privaat praktyk op Wolmaranstad vir een jaar, en verhuis vervolgens na Sasolburg waar hy in 1978 'n privaat praktyk begin.

Cobus en Stenie het saam in die spreekkamer gewerk en mekaar baie goed aangevul. Stenie het gesorg dat Cobus altyd betyds was vir sy afsprake in die spreekkamer en in die hospitaal-teater, waar hy dikwels die plaaslike chirurge geassisteer het. Cobus en Stenie het graag gekampeer, wêreldwyd getoer, en na Mauritius en die Seychelle gegaan.

Cobus was baie geliefd by sy pasiënte en het net sy beste vir hulle gegee.

Cobus was verslae toe sy geliefde Stenie skielik op 4 Julie 2009 oorlede is. Hy kon hierdie verlies net nie verwerk nie en sy familie beweer dat hy hom daarna eintlik dood getreur het. Hy het voortgegaan met sy praktyk, maar is skielik op 8 Julie 2011 in sy spreekkamer oorlede. Hy was 70 jaar oud.

Cobus word oorleef deur sy twee kinders, Juandre en Ghrizelle.

Eugene Marais